

Pinngortitap illersorneqarnera pillugu naammagittaalliuuteqartarfik pillugu Namminersorlutik Oqartussat nalunaarutaat

Pinngortitamik illersuineq pillugu Inatsisartut inatsisaat nr. 29, 18. decembari 2003-meersumi, kingusinnerusukkut Isumaginnittoqarfiup aqunneqarnera aaqqissuussaanelu pillugit Inatsisartut peqqussutaata allangortinneqarneranik, inissianik attartortitsisarneq pillugu Inatsisartut peqqussutaata allangortinneqarneranik, unammilleqatigiinneq pillugu Inatsisartut inatsisaata allangortinneqarneranik, siusinaartumik utoqqalinersiutisiat pillugit Inatsisartut inatsisaata allangortinneqarneranik, Pisortat Pisiortortarneranni Neqerooruteqartitsinermi Maalaaruteqartarfik pillugu Inatsisartut inatsisaata allangortinneqarneranik aamma pinngortitamik illersuineq pillugu Inatsisartut inatsisaata allangortinneqarneranik (Naammagittaalliuuteqartarfiit suleriaasiisa aalajangersarneqartarnerannut maleruagassanik allangortitsineq) Inatsisartut inatsisaat nr. 55, 25. novembari 2024-mi allangortinneqartumi § 58, imm. 1 naapertorlugu aalajangersarneqarpoq:

§ 1. Pinngortitap illersorneqarnera pillugu naammagittaalliuuteqartarfimmik pilersitsisoqassasoq, tassanilu pinngortitamik illersuineq pillugu inatsit naapertorlugu aalajangiisoqartassalluni.

Imm. 2. Naalakkersuisut Pinngortitamik illersuineq pillugu naammagittaalliuuteqartarfiup allatseqarfianut tapersiuteqassasoq.

§ 2. Pinngortitamik illersuineq pillugu naammagittaalliuuteqartarfik pingasunik ilaasoqarpoq.

Imm. 2. Naalakkersuisut Pinngortitamik illersuineq pillugu naammagittaalliuuteqartarfimmu ilaasortanik marlunnik toqqaassapput, taakkunungalal sinniisussat. Aammattaaq Naalakkersuisut Kalaallit Nunaanni kommunit ataatsimut innersuussineratigut ilaasortamik ataatsimik toqqaassapput. Naalakkersuisut naammagittaalliuuteqartarfiup siulittaasua toqqaassavaat.

Imm. 3. Pinngortitamik illersuineq pillugu naammagittaalliuuteqartarfiup ilaasortai Naalakkersuisuni ilaasortaassanngillat.

Imm. 4. Naalakkersuisut Pinngortitamik illersuineq pillugu naammagittaalliuuteqartarfimmi ilaasortat Avatangiisit Innarlitsaaliorneqarnissaanut Ataatsimiitsitaliami ilaasortaasut toqqaqqissinnaavaat, Avatangiisit innarlitsaaliorneqarnissaanik Inatsisartut inatsisaat tunngavigalugu pilersinneqartoq.

Imm. 5. Pinngortitamik illersuineq pillugu naammagittaalliuuteqartarfiup qinersinermi piffissaa Inatsisartut qinersisarnerata nalaani ingerlanneqartarpoq.

Imm. 6. Pinngortitamik illersuineq pillugu naammagittaalliuuteqartarfimmu sulianut ilisimasalinnik inuttaliisoqarsinnaavoq.

Imm. 7. Pinngortitamik illersuineq pillugu naammagittaalliuuteqartarfiup ilaasortai ilaasortat aningaasarsiaqartitaanerat il. il. pillugit Inatsisartut inatsisissaanni maleruagassat malillugit akissarsiaqartinneqassapput.

§ 3. Pinngortitamik illersuineq pillugu naammagittaalliuuteqartarfiup aalajangiussani pillugit qanoq tamanut saqqummiussitigisassanersoq, saqqummiussisoqarpallu qanoq saqqummiunneqassanersoq, pillugu aalajangiisartut namminneq aalajangissavaat.

§ 4. Nalunaarut ulloq 1. aprili 2026-mi atuutsinneqalissaaq.

Namminersorlutik Oqartussat, ulloq 19. marts 2026

Peter Borg (atsior.)

Aalisarnermut, Piniarnermut, Nunalerinermut, Imminut Pilersornermut Avatangiisinullu Naalakkersuisoq

/Natuk Lund Meire (atsior.)

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut